

# OMUKWE TU



40c

No. 7

ISBN 0-620-06828-0



“Andola osha li moshilongo shaandjeni, ando mpaka ope na nena oongala moshituthi shika. Ihe ngashingeyi omano ageke taga monika, notaga holola naanaa onkalo yoshilongo shetu,” osho omusita Set Son Shivute methano kolulyo, a tumbulile medhina lyOngeleki meme Ulla Nenonen sho ta lalekwa a ka fudhe po kevi lyaandjawa manga inaa lalekwa nuuyamba megongalo lyaNiipa.

Meme Nenonen okwa kala mpaka Amushangakwatakanithi gwetumo lyaSoomi nOngeleki ndjika nopethimbo lyefudho lye, oshilonga okwe shi thigile meme Kaarina-Tuovi Penanen kolumoho methano ndika. Pokati lela omusita Villi-Heiki Shivute.

“Tse oye tu ninga aapika, yo aahona. Otse hatu longo iilonga, ihe uuyamba wevi otau yi moondjato dhayalwe. Omutiligane ota mono ondjambi lwo 18 e vule omuluudhe. Epangelo otali longitha iimaliwa konyala R500 okwiilongitha okanona kOmutiligane, manga kOmuluudhe taka gandjelwa owala R200.

“Moku tu kaleka mondholongo ya tya ngeyi, epangelo otali longitha etanga lyalyo lyegameno aapolosi yalyo nepangelo lyalyo lyopakathimbo. Otaa dhipaga aantu, taa kwata akiintu koonkondo, taa dhenge yo taa tula mondholongo pwaa na ompangu yasha.

“Mokukondjitha omulandu nguka, ohatu shi ningi pamwe noongeleki oonkwawo ngaashi yaKatoolika kaRooma, yaAnglikan yaAfrican Methodist Episcopal nosho tuu. Muukumwe otatu popi medhina lyahepekwa. Epangelo lya SA otali ti aniwa tse oshiponga oshinene, aayeti yuupyakadhi. Tse itatu uvitha evaangeli lya S.A. ndyoka tali pula okuvulika kepangelo

Tala kep. 4


## OMUMBISOFI GWAANANDHOLONGO YANAMIBIA TA POPITHA AMERIKA

Momatumbulo ga tsa ihe ngoka wo omupopi a ti okwe ga tumbula mohole, omumbisofi gwaELCIN, dr. Kleopas Dumeni, okwa dhimbulukitha natango Aayamerika kutya ye omumbisofi gwOngeleki yaanandholongo, Namibia alihe eha lyondholongo.

Edhimbulukitho ndyoka omumbisofi okwe li ningila mOkolindji yaGustavus Adolphus, mu St. Peter Minnesota, shaAmerika pokati kaMaalitsa nuumvo. Kaapulakeni ye omumbisofi Dumeni patekisti yomiilonga yaAayapostoli 12:4-10 okwa ti: “Onda thikama koshipala sheni omumbisofi gwOngeleki yi li

momalyenge, uule womimvo dhi vule 100. Omalyenge getu uukwamuhoko nomathiminiko Ondholongo yetu oshilongo shetu yene.” Oshipopiwa ashithe mefupipiko lyasho otashi landula mpaka:

“Nandi mu fatululile shoka tashi ti ngele oto lelwa kepangelo lyaPretoria. Otwa topolwa pashono ye shi luku omuhoko (Tribes). Yo yene inaa itopola momihoko dhOombulu, dhAaingilisa nenge dhilwe dhAatiligane. Opersenda 94% dhaakalimo yaNamibia odha pambagulwa pokati momalelo gomavigumbo, moka tadhi pelwa mo elongo lyOshibantu, uuhaku wOshibantu nependulo po kehe lyopai-kalekelwo.



Omumbisofi K. Dumeni

# ELILONGEKIDA OKUYAPULILWA MOUFITA NGEENGE OTE SHI DIMININWA

**Omulihongi mongudu yaaxuuninwa mofikola youteoloxi moPaulinum, Sylvia-Shiwa Heita, okwa nyamukula Omukwetu kutya ye ke na outende wokutambula eyapululo lopaufitaongalo, shimha tuu Ongeleki yaye tai shi mu diminine.**

Fimbo ina ka hovela omudo waye wa xuuninwa koseminali youteoloxi wovakwaLuther, kOti-jimbingwe neudo muFebuluwali, omuhongifikola mOseko yaEngedjo, Heita okwa ningile omafiku amwe manga meyakulo loshipangelo shaNandjokwe.

Pahepu laye mwene ehalo muye lokukonakona ehongo lopaukalunga mofikola oyo, ola pendulwa ashike unene kekoneko laye lomhumbwe yokuyakula oshiwana shaye.

"Nande nda li meyakulo lofikola mokati kovahongwa, eyakulo lange okwa li ndi wete lixupi unene, okutala eembunga dovanhu va pumbwa eyakulo lange," osho a hepaulula eshimbiko leifano laye eli te lihonge paife.

Feelani Heita pefimbo lelihongo laye outeloxi mOti-jimbingwe ota ti okwa shakena yo novafita vamwe ovakainhu nova kundafana shihapu kombinga yoilonga yavo. "Inandi dimbulukwa sha muvo sha puka okukala omufita omukainhu. Naame yo ngeenge ondi itavelelwe omhito oyo, ohandi i tambula nomwenyo muwa," osho a ulika ondjuulufi yaye nondaka ya wa poshi.

Sylvia-Shiwa Heita odalele yeongalo laNgenga, fimbo Omungwelume inau dalwa mo. Omido mbali 1984-1985 okwa kala omuhongifikola mOseko Eengedjo, omo a dja eshi a ka tameka ofikola youteoloxi.

Neudo petameko okwa kala oivike ivali lwaapo ta yakula manga mOnandjokwe fimbo ofikola

yavo inai ka hovela petameko laMaalitsa. Oshikando eshi osho a shakena nOmukwetu nokwe mu hepaululila ehepu eli.



**Omuteoloxi Sylvia Shiwa Heita**

Mokushakena naye lwotete, Heita ke fi nande omupopyaani, ye vali havo ava haku tiwa ova mwena. Epulo keshe ohe li diladila tete nawa fimbo ine li nyamukula. Omadiladilo aye omale e dule oukulunhu waye. Moshipala ota ikwa diva kukeshe umwe nokuyadi omhepo yeyakulo.

**Sebulon Ekandjo**

## UUTEOLOGI OSHIKE?

### ETSIKILO

**KuAnanias Iita**

#### Elalakano lyuuteolohi olini ano?

Kokutya Kalunga oti ihololele aantu ye mwene, otashi ti Kalunga ote ya kaantu ta pitile moohapu dhe. NaKalunga ota ningi wo aantu iilongitho ye, oyo ya ka holole (tseyithile) yalwe ehalo lye. Eeno, Kalunga oti ihololele aantu oshoka oku ya hole, nokwa hala wo aantu ya taambe ko ohole ye mwene. Naamboka ya taamba ohole ndjika yaKalunga, otaya tegelelwa ye yi uvithile wo yalwe, oyo aantu ayehe ya kale nokuholathana, sha kwatela mo nohole yokuhola, aatondi yetu Mt.22:37-40, 1Joh.4:19-21.

Kalunga okwe ya monkalo yetu e tu popithe, oshoka otu li moondjo notwa kanitha ethikilo lyelago lyoomwenyo dhetu. Tashi ti, Kalunga okwe ya monkalo yetu oyo a hunge oomwenyo ndhoka dha hepekwa kuulunde noku tu mangulula mondholongo yoondjo dhetu, noku tu ulukila elago lyetu muKristus Jesus, ngoka e

li Omumangululi gwa shili, Gal.5:1. Tse tu koke meitaalo notu dhame muKristus Jesus Omuwa gwetu.

Pawiliko lyOmbepo yaKalunga nomokulongitha omuntu ongoshilongitho meke lyaKalunga, Kalunga, oti ihanganitha noti ikwatakanitha (communicates) ye mwene natse, oyo tu kale noku mu hoola, tu kale nonkalamwenyo (muuntu washili) ya shili tu koke meitaalo notu ninge iilongithomwa yoshilongo she. Omikalo dhaKalunga okwiihololele aantu odho adhike dha yooloka, ihe elalakano nethikilo limwe, oyo tuu ndyoka lyokumangulula omuntu moondjo nokuhupitha omuntu gwe.

Omuteolohi Firet okwi itaala kutya uuna ohapu yaKalunga tayi longwa omuntu, nena otapu holoka sha oshipe. Oshike? Inima iyali: 1. Omuntu ota yelekwa notu uvu ko. 2. Omuntu ota nwethamo nota lunduluka. Tashi ti uuna Kalunga ta popi, nena omuntu ota uvithwa ko

oohapu dhaKalunga ti iyuvu ko ye mwene nonkalo ye moka e li mo, Lk.15.27.

Ngaashi omumati a kanene sho u uvuko onkalo ye moka e li mo, okwa tokola a shune, kuhe, nokwa gwanitha etokolo lye, Lk.15:20. Tshi ti ohapu yaKalunga otayi hingile omuntu meitaalo lyomuKristus nomekoko muukriste. Nelundululo ndika lyomitima/lyoomwenyo dhetu oyo oshilonga shoka sha etwa kuKristus muuyuni, sho e tu ningi aashitwa aape yomuye.

"Ano ngele ku na ngoka e li muKristus, oye omushitwa omupe, iikulu ya hulu po, tala, iipe ya holoka," 2Kor.5:17.

Niipe mbyoka ya holoka oyi na okukalelela nokushitululwa. "Omuntu gwetu gwokombanda nge ta yonuka po, onguka gwomeni ota shituka omupe esiku nesiku" 2Kor 4:16. Tse otatu shitulukithwa kOmbepo yaKristus tu fe Kristus 2Kor.3:18. Nomokuudhithwa (inspired) nOmbepo Ondjapuki, omuntu kehe ota kwatha omuntu omukwawo oyo u uveko Ohapu yaKalunga, ye a landuluke.

#### Omuntu ota lunduluka mushike?

Kalunga ota lundulula nokumangulula omuntu monkalo ye yuupika noyoondjo nohapu yehanganitho. Ulunde otatu yonopo nokuhanagula po ekwatathano neendathano ndyoka lya kala pokati komuntu naKalunga, nopokati komuntu nomuntu, noneshito lyo lyene Rom.3:9-18;20, Gal 3:32.

Oshinima kehe osha yonwa po kuulunde nuulunde owe shi eta koki yethingo neegele lyaKalunga. Lagonene, oshoopalele Kalunga muye mu kale egwaneneno, alihe nomokupanga ombili omolwombinzi yomushigakano gwe, a hanganithe ayihe muye naambika yokombanda yeve naambiyaka yomomagulu Kol.1:19-20. Oshitya "ayihe" muKol.1:20, otashi ulike ehupitho nehanganitho lyuuyuni ndyoka Kalunga e li gwanitha mOmwana Jesus Kristus. Nehanganitho ndika otali idhingile omuntu kehe ngoka ta zi mo muulunde mboka we mu idhingila.

## Osekonde yaLoudima muCongo

**Ovanamibia 150 okwa teelelwa va ka tambulilwe mOseko yaLoudima muCongo muAuguste 1987 pashifonkundana shOshiingilisha, The Namibian. Ofikola oya yeululilwa oilonga yayo eti 10.12 1986 kuHamushangandjai waSWAPO. Andimba Toivo yaToivo.**

**Ofikola oyo i li natango metifa lokutungwa oya hovela nale novahongwa 120 muJuni 1986 nonge ya pu otai ka tambula fiyo ovahongwa 600 pahepu loshifo osho.**

**Ofikola otai tungifwa kookaume kaNamibia muNorway noya kwatelela mo yo oshitai shounamapya noshoungobq. Congo oshimwe shomoilongo youninginino waAfrika sha palafana naZaire.**

# Ondjimbo muudhigu

Epsalomi ndika olyo ondjimbo yomahepeko, ondjimbo ndjoka tayi holola omuntu e li muudhigu nomuwehame uululu, a fa nokuli a ekelwahi kuKalunga, nokaantu ooyakwawo. Ihe nando oku li muudhigu ngeyi, ota holola einekelo lye lyomuKalunga, i itaala nokwi inekela kutya Kalunga oye awike ta vulu oku mu hupitha mo muudhigu nomuwehame mboka. Onkee ta hempulula meitaalo nomeinekelo ngeyi:

Ookuku ye ku inekela eeno, ye ku inekela, ongoye nowe ya hupitha. Ya kugu kungoye noya hupithwa; ye ku inekela, yo inaa sithwa ohoni vers 5-6.

“Omupisalmi nguka okwa tseye nawa pandjokonona, Omuwa Kalunga nkene a hupitha ooyinakulu momaudhigu gawo, miita, mondjala, muuvu, miiponga yomililo nomoondjo dhawo. Ya kugu kungoye noya hupithwa” ver.6.

Ngoye nangame nge twa adhika kuudhigu ohatu uka peni? Ou shi po, eeno, ondi shi po.

- Mpaka opu na elongo kutya ekwatho lyetu otali zi kOmuwa awike, ngoka a shiti egulu nevi, naashihe sha kala mulyo.

Epsalmi ndika otali hunganeke omahepeko ngoka ga adha Messias, neinekelo lye okwiinekela Kalunga He. Meyana lyaGetsemene, Jesus sho a adhika kuudhigu okwa galikana ngeyi:

“Tate, ayihe oto yi vulu; kutha ndje oshitenga shika, ihe hangaashika ngame nda hala aawe, ongaashi ngoye wa hala.” Mk.14:36. Ihe etokolo lyomuukwaaluhe olyo ndika Jesus a se eso lyokomushigakano, omolwetu. Onkee Jesus mokutala eso nkene lye mu ukilila, nokape na we ompito yilwe yoku li kandula po, ota lombwele aalongwa ye ngeyi: “Omwenyo gwandje gwa nika oluhodhi olunene sigo okusa, kaleni mpaka ne mu tonate” Mk.14:34.

- Otwa pumbwa okutonata meitaalo, tu tale kuGolgota. Eeno, tu tale Omukulili gwetu nkee a sa, omolwoondjo dhetu. Tu tale nomeho gomeitaalo nkee Josef gwomuArmatia ikoleke komwenyo, okwa yi kuPilatus, opo a pewe omudhimba gwaJesus e ke gu fumvike. Tu tale nkene taya kutha ko omudhimba gwaJesus komushigakano notaye gu langeke mevi. Meitaalo otu na okuzinina kutya Jesus okwa si shili, omolwelago lyetu. Moluuwehame we nomolweso lye tse otwa kulilwa kombinzi ye medhimo po lyomayonagulo.

Esiku ndika lyonena otatu dhimbuluthwa uuna oonkondo dhomilema dha sindwa kuKristus. Eeno, uuna eso lya sa. Uuna ndoka oonkondo onkwagulu sho dhi iholola muuyuni; sho Jesus a gandjele uuyuni omwenyo nokwi igidha “Sha longwa sha pwa.” Ehupitho lyoye nolyandje olya longelwa meso lyokuGolgota; Joh.10:15.

Omolwesindano ndika lya Jesus mokusinda eso noonkondo dhomilema, omuyapostoli Paulus ota pula ngeyi: “Eso, esindano lyoye oli li peni? Eso, ondungu yoye oyi li peni? Eso olya ningwa olya sindwa sheke. Oshoka ondungu yeso oyo uulunde noonkondo dhuulunde odho ompango. Ihe Kalunga nahambelelwe, onguka te tu pe esindano omolwOmuwa gwetu Jesus Kristus 1Kor.15:54c-57.

Jesus okwa yi momahepeko omadhigu nomuwehame uudhigu muululu omolwoye

nomolwandje, opo u hupithwe, eeno, opo ndi hupithwe. Omolwemanguluko lyoye muupika woondjo, Jesus okwa endjelela momushigakano gwaGolgota noti igidha ngeyi:

“Kalunga kandje, Kalunga kandje, oshike we ekelehi ndje? Tandi kugu, ihe ito hupitha ndje. Kalunga kandje, ohandi uhala nokwiigidha, ihe ito yamukula, nuusiku osho ngaye ite mono oluthuwo” Oovelise 2-3 omolwetu osho a hepekwa ngaaka.

Ohapu yOmuwa otayi tu adha nonena kutya shoka ye shi ningile Jesus, osho wo ye shi ningile naalanduli ye. Onkee oto adha ooitaali oyendji oye li monkalo yomahepeko, yomashoko, eeno, monkalo yuwehame uululu naanaa ngaashika Omuwa gwawo. Taya kugu omutenya nuusiku, ihe oya fa itaa ya yamukulwa.

Eeno, omukriste gwa shili methimbo ndika okwa ninga omushekwa nondjolwi yaantu, e li naanaa monkalo ya fa ndjoka ya li Omupsalmi ngoka ta ti:

Ihe ngame oshihona, hamuntu ondjolwi yaantu nondhino yoshigwana. Ayehe mbo taa mono ndje, taa yolo ndje, taa nyonkele ndje e taa pukapuka komutse, taa ti: Igandja kOmuwa. Oye ne ku hupithe, oye ne ku kuthe mo muudhigu woye, sho kwe ku hokwa aniwa. Oovelise 7-8.

Pakutala oya fa taye ku sheke noku ku yola, ihe mokwaa shi tseye otaye ku galikanene, sho taa ti: Igandja kOmuwa, ne ku hupithe, ne ku kwathe e ku kuthemo. Osho ya li ya ningi nopomushigakano gwaJesus, “Okwa li ha kwatha aantu, ye ita vulu okwiikwatha; na ze ko ano komushigakano notatu mu itaale ihe. Mt.27-42.

Onkee noneqa oto kumagidhwa noto pukululwa ngeyi: “Omadhiladhilo geni naga fe ngeyaka gaKristus Jesus kwa li e ga na, nokwi ifupipike a vulike sigo okusa, eeno, sigo okusa kwomomushigakano Fil.25,8.

“The Oye okwi itsike uuvu wetu, omeehamo getu, e ga humbata. Otse notwe mu tala, a geelwa a hepekwa nokwa dhengwa kuKalunga, ihe okwa tsuwa omolwomayonagulo getu, okwa nyanyagulilwa oondjo dhetu. Egeelo lye mu ya, opo tu kale tu nombili notwa aaludhwe kiilalo ye” Jes 53:4-7.

- Meifupipiko tse aakriste otwa pumbwa okwii-dhidhimikila uudhigu kehe tau tu adha omolwomushigakano gwaKristus. Uudhigu kehe tau tu adha omolweitaalo inaa iyaka Kalunga ketu. Onkee omuyapostoli Petrus ota shanga ngeyi. “Noshimpwiyu sheni ashihe shi mu tsikeni, oshoka oye te mu sile osi impwiyu.” 1Petr.5:7.

“Olye ngo te tu topola mohole yaKristus? Uudhigu, oothina, etidhagano, ondjala, onkayi, uuyina, egongamwele? Ongashi kwa shangwa: Ongoye tatu ku dhipagelwa omutenya aguhe otse twa talwa ongoonzi tadhhi dhipagwa. Ihe mumbika ayihe tatu sindi nokusindilila omolwaanguka e tu hoole “Rom 8:35-37.

Ps.22:2-20



Uukriste kau shi oshinima shesiku lyenyanyu alike, ndele uukriste otawo pulwa momwiitaali ethimbo kehe nomonkalo kehe, menyanyu nomoluhodhi, muukolele nomuunkundi. Ongoye to shekelwa ndje omutenya nuusiku, ndele ngame onde ku dhama Omuwa gwandje, osho omukriste gwashili ta hempulula ngaaka.

Ohapu ndjoka tayi hepmulula, “Otse atuhe aana yaKalunga mokwiitaala muKristus Jesus” Gal.3:26. Jesus te tu galikanene ngeyi: Otandi galikana Tate ayehe opo ya kale yamwe, ngaashi ongoye Tate, u li mu ngame nangame ndi li mungoye, oyo wo ya kale mutse, uuyuni opo wi itaale ongoye wa tumu ndje.” Joh.17:21.

Jesus Kristus oye ohapu ndjoka ye ya muuyuni, ya ningi onyama noye ya monkalo yetu, tse aahepekwa naapika yuulunde woludhi kehe. Eeno, ohapu yemangululo muulunde nomuupika woludhi kehe. Ohapu yomushigakano ndjoka ya kumuna po ekuma lyetondathano, ndyoka lya li pokati komuntu naKalunga, noshowo pokati koye naKalunga nopokati koye nomuntu omukweni.

Ngoka ekuma lyetondathano lya kumunwa mo momwenyo gwe, ota tumbula kutya: **Jesus Kristus oye ombili yetu, oshoka oombinga mbali adhihe okwe dhi hanganitha ombinga yomuntu okuhedha kuKalunga nombinga yomuntu okuhedha komuntu omukwawo.** Efes 2:14. Ohapu yomushigakano oyo oshapi yokupatulula nokuhupitha mo omuntu momalyenge gomutondi. Noshapi ndjika oyo ombinzi yaKristus ndjoka tayi mangulula moondjo dhetu. “Kristus okwe tu mangulula, opo tu kale twa manguluka” Gal.5:1.

Ohapu yomushigakano oya holoka, opo yi gandje omwenyo gwayo gu ninge iikulila yoyendji. Onkee Jesus ngoka e li ohapu yomushigakano ota ti ngeyi: “Ongoka te ya kungame itandi mu ekelehi, oshoka ehala lyaTate olyo ndika ndaa kanithe po nando ogumwe mwaamboka e ya pa ndje, ihe ndi ya yumudhe esiku lyahugunina. Joh.6:37-38. Ongoka ta li onyama yandje nota mu ombinzi yandje, oye e nomwenyo gwaaluhe notandi mu yumudha esiku lya hugunina” Joh.6:54.


Ku A.Iita

**OKWA HEPEKWA SHO I IGANDJA YE MWENE, YE INA MAKULA OKANA KE; ONGAASHIKA OKANZI TAKA FALWA KA DHIPAGWE, ONGAASHI ONZI TAYI MWENENE OMUKULULI GWAYO, ONGAASHI NOYE INA MAKULA OKANA KE. Jesaja 53:7.**

## Emanguluko laNamibia la kundafanwa vali mu Amerika

Epangelo laAmerika ola kumaidwa li taleko nefimaneko eindilo lOvanamibia okupula emanguluko loshilongo shavo nola ngongoshekwa yo okweefa po eindilo lalo kOvacuba va dje tete muAngola mekwatafano nemanguluko laNamibia.

### Ta tidha uundokotola



Uundokotola olya zimine omusita Shekutaamba V. Nambala ngoka ta lesa omambo pethimbo ndika muAmerika a gwedhele ko keilongo lye a tale ngele ta adha onkato yuundokotola melongo lyuuteologi. Omusita Nambala okwa tamekele eilongo lye moshilongo shoka 1984 pehulilo, noye kwa li omupopi gumwe gwomaapopi moshigongi omolwaNamibia shono sha li ko muMaalitsa.

### Dha za kep. 1

lyuukwamuhoko. Evaangeli lyaKristus otali ti: muKristus kamu na omupika .....

“Epangelo lyaAmerika otali kwatha aadhipagi yetu (S.A. na Unita). Omumvo gwa yi onda li nda tsakanene nayamwe yaakwanepangelo lyeni (Amerika) gumwe e ta lombwele ndje ta ti, aniwa uumbugantu waAfrika ou li kokule naAmerika opo e u kwathe aakwiita.

“Osha li oshikumitha. Tangotango, inatu pula nando aakwiita yaAmerika ye tu mangulule. “Ashike onde mu pula, ngele Afrika oli li kokule unene nokutuminwa ekwatho, tu kwathwe omolwashike Afrika kee li kokule nokutuminwa iilwitho yi ye kaadhipagi yetu?

“Afrika ngele oli li kokule nokukwathwa, omolwashike kaku shi kokule nokwiipulwa naAcuba mboka ye li ko? Nandi mu pule wo aapulakeni yandje. Epangelo lyeni sho tali ti Afrika oli li kokule nokukwathwa, epangelo lyeni olya hulitha po nee ekwatho lyalyo lyopakwiita kepaneglo lya SA?

Otatu mu indile mu konkole komiyelo dhepangelo lyeni li hulithe po ekwatho lyalyo ku S.A. nokuUnita. Etheni epulo lyekogeko lyAacuba kemanguluko lyaNamibia. Ngele iigwanahangano tayi pula oonkato dha kola dhondjindikila, epangelo lyeni inali ya we epulo ndyoka moshipala.”

Oshoongalele osha li ko 20-22.3.1987 mOkolidji yaGustavus Adolphus muMinnesota shomuAmerika. Oshoongalele osha longekidwa keengeleki eenghwaLuther muAmerika nomwa li mwa ifanenwa ovapopi ovanawino va fimana kombinga yoshinakuwanifwa shOngeleki mehongo, paekonomi nopapolotika monghalamwenyo yefiku keshe muNamibia.

Oshoongalele oshe likunda yo nhumbi Ongeleki onghwaevangeli muAmerika ya uda ko epulo lOvanamibia kombinga yemanguluko loshilongo nonhumbi Ongeleki oyo i na okukwafela mepulo lemanguluko laNamibia monakuiwa.

Ovabishofi aveshe veengeleki eenghwaLuther nhatu muAmerika ova li ovapopi koikundafanwa oyo. Moshoongalele omwa ifanenwa yo ovapopi vakwao oilyo yehangano la SWAPO ngaashi Hamushangandjai waSWAPO, Omusamane Andimba Toivo ya Toivo, ovalihongi Ovanamibia va tumwa keengeleki davo kuAmerika ile ovo va kala kombada omolwonghalo aveshe va li mo tava tengenekwa po 90.

Omubishofi Kleopas Dumeni naye okwa shivilwe a kale omupopi munene moshoongalele. Oshipopiwa shaye lesa pamwe pe lili moshifo eshi. Ovapwikini nookatale konwa okwa li yo ve uya. Moule womafiku atatu oshoongalele osha ka xulifwa netwokumwe metokolo loinima imwe tai landula apa:

- Okukala keshe umwe (pashilongo) e na oufemba wokutokola oinima yaye mwene osho shi kale nantango omukangha woudemokooli woshiwana keshe.

Pehulilo omumbisofi okwa gandja olupandu lwe kAayamerika yamwe mboka a ti kutya otaa longo pamwe natse okweeta po emanguluko lya Namibia. “Ondi shi shi, andola hamolwohole yawo noshimpwiyu shawo ando ngiika nedhina lyoshilongo shandje Namibia kali shiwike muAmerika,” osho a ti: Okwa hulitha nomatumbulo ngaka:

“Ongeleki muNamibia otayi landula eitahano lyaKristus, otayi koleke iilyo yayo meitaalo okupopila uuyuuki nuuthemba wopantu. Ongeleki oyi li omupokati, notayi gama kombinga yaahepekwa.

“Pamwe otashi mu kumitha okupulakena kutya Osoondaha kehe, ohatu galikanene mboka ye na oonkondo miinima yeve lyetu, notatu galikana kuKalunga omupangelinkondo adhihe nokombanda yoshilongo shetu wo okukwathwa mboka ye na oonkondo opo ye dhi longithe pahalo lye.

“Meifupipiko, nandi tye otwi ilongekidha okuhumbata oshilanduli kehe tatu shi pulwa omolwewuliko kuKristus, nashi kale sha tya ngiini. Onde mu lombwele oshili mombepo yohole. Galikaneni pamwe natse, longeni pamwe natse, Kalunga note tu pe ombili.”

### Sebulon Ekandjo

- Ekolonyeko ediladilo la kulupa paife noitali tu kumwe noudemokooli.

- SA ota twikile natango okulongifa nai omulandu wouteku wOiwanahangano (UNO) netokolo lomhangu younyuni oyo ya indila Namibia li manguluke.

- SA okwa piyaaneka oonyuni eshi a nangeka epangelo laye mwene muNamibia laavo inava hoololwa, fimbo kwa li ta pulwa a ye meenghundafana paufu liwa naavo ve na oku shi ninga

- Ye natango (SA) ota kulike okatongotongo kaye neeveta dowina domafininiko, monghalo keshe yOvanamibia, nge pamaxupilo, pausosiale ile paupolotika.

- Omatanga aye opakwaita otaa nyonauna oufemba wopanhu muvahu moshiwana tashi pitile momakwato ovanhu pe he na omhangu, okudenga oshiwana okukwata ovakainhu onghonga noku shi dipaa nokuli.

- Eshi yo Amerika ta anye oku shi tambula ko nokutya SA muNamibia oku li mo pe he fi paveta, nonando a tambula ko oshitokolifo 435 shOraata yeameno ya UNO.

Onghe oshoonalele sha tokola hano ovakalelipo vepangelo laAmerika va diladilife omupresidente wavo opo a longife eenghono dombelewa okweeta po eshi tashi shikula apa:

1. Epangelo laAmerika li tambule ko eindilo loshiwana shaNamibia ngaashi oshinima shopaufu.

2. Epangelo laAmerika li fininike SA a xulife po diva ngaashi tashi dulika okukala kwaye muNamibia, oko ku he li paveta noshitokolifo 435 shi tulwe moilonga.

3. Ekoido lOvacuba muAngola kemanguluko laNamibia li anywe filufilu.

4. Ndele ku xulifwe po yo omahangano aeshe a Amerika taa longo muNamibia.

### Sebulon Ekandjo

## OVAWILIKINGELEKI OVA HALA OKUPOPYA NA P.W.BOTHA

**Onhumwafo yeti 8 laApilili 1987, oya shangelwa Ngoloneyandjai wa SWA kowawilikingeleki tava indile eshakeno nomupresidente wa SA omushamane P.W. Botha, opo va holole omadiladilo avo, kombinga yonghalo yoita muNamibia.**

Onghalo yoita moshilongo otai naipala omwedi nomwedi, noshwo efiku nefiku. Ovawilikingeleki veengeleki 8 domoshilongo ova li va shaina onhumwafo oyo ya tuminwa Ngoloneyandjai, opo ku litulwe mo konghalo yoita ya tya ngaha.

Omaongalo otaa indilwa natango a ilikanene onghalo ya tya ngaha muNamibia.

Onhumwafo oya li ya shainwa kovawiliki veengeleki tadi landula:

Omushamane Bernard Nordkamp wOngeleki yaKaatolika kaRooma; omufita Peter Lamoela, waCongregational Church (UCCSA); omufita Demetris Palos wongeleki yaMetodist (M.C.S.A.); omufita Bartolomeus Karuaera wongeleki yaMetodist muAfrica; omubishofi James Kauluma waAnglikana, omubishofi Hendrik Frederik wongeleki onghwaluther mOushimba; omubishofi Kleopas Dumeni wa ELCIN nomufita Karl Sundermeier wongeleki yOvadowishi (DELK).

# JESUS KRISTUS OYE OMBILI YETU, OSHOKA OOMBINGA MBALI ADHIHE OKWE DHI HANGANITHA.



JESUS: "Onga O-muwa nomuhungi gweni. Sho nda yogo ngashingeyi oompadhi dheni, nane wo omu na okuyogathana koombadhi!"

Joh. 13 : 14.



*Omwene, ONDJILA yaye oyo ondjila yetu. EFYO laye olo efyo letu!*



## Alleluja

Tomas okwa yamukula Jesus omanga omunwe gwe gu li moshilalo she a ti: "Omuwa gwandje! Kalunga kandje!"



"ONGAYE OMMWENYO, OSHIRI, ONDJIRA, OTSHEERO."



"NGAME ONDA LI NDA SA ONDJALA, ne omwa pe ndje sha shokulya, NGAME ONDA LI NDA SA ENOTA, ne omwa pe ndje sha shokunwa, NGAME ONDA LI OLUTU LWOWALA, ne omwa zaleke ndje, NGAME ONDA LI ONDJENDI, ne omwa edhilile ndje, NGAME ONDA LI TANDI EHAMA, ne omwe ya okutalela ndje po, NGAME ONDA LI MONDHOLONGO, ne omwe ya okutalela ndje po."

## OSHITUTUMA SHA YAPULITHA ONGELEKA YASHO

Osoondaha yeti 29.3.1987 olya li esiku egongalo lyaShitutumama lya yapulitha etungo lyongeleka yalyo. Aantu taa tengenekwa 600 sigo 700, oya li moshituthi shoka. Oyendji yomuyo aakwanegongalo.



Egongalo lyaShitutumama lya tegelela oshituthi shi tameke. Etungo lyongeleka tala kombinga yolumoho methano ndika.

Egongalo olya dhikilwe po pambelewa komutonatelishitayingeleki ethimbo ndiyaka omusita Festus Ashipala 3.10.1982. Etokolo lyokwiitungila ongeleka olya ningwa omumyo gwa landula 17.7.1983 moka egongalo pethimbo ndiyaka tali yalulwa 865 kumwe nuunona lya topolelathana iinakugwanithwa yegongalo lyimaliwa.

Natango omumyo gwa landula 1984 egongalo olya li li na omukumo okufula omukanka sho lya tala shono she etwa po kaakwanegongalo. Eti 9.10.1985 manga taa dhengele ko omutenge gwahugunina ketungo, ombepo yoshikungulu oshidhigu oye ya e tayi shuna omitenge pevi.

“Shika ondi shi oku shi hokolola, oshoka nangame mwene opo nda adhikile pombanda esiku ndyoka,” osho omusamane Samuel Angala a hokololela aakwashituthi, esiku ndyoka.

Eyapulo lyongeleki olya ningwa komukwathi gwomumbisofi omusita Matti Amadhila. Meyakulo lye okwa kwathwa kaasita; Set Son Shivute, Titus Ngula, Salomo Elago, Filippus Henok, Tomas Ihuhwa omusita gwegongalo naEino Amaambo.

Pahapu dhomuprofeti Jesaja 55:1-3 omuyapuli Amadhila okwa hiya iilyo ayihe yegogalo ndyoka sho a ti ehala lyeyakulo komuntu kehe lya monika. Inapu kala we ngoka ti ikaleke moondjo nokokule nOmuwa.

“Eopalo lyongulu yOmuwa oli mpoka sho aakwanegongalo taa longitha nawa ongeleka,” osho Amadhila a ti.

Ehiyo lya fa ekwawo ndika olya ningwa komusita Salomo Elago, ngoka a li omuuvithi melongelokalunga. Omusita T.Ngula peha lyookuume nolyoshitayingeleki shOndonga okwa londodha egongalo li kale oshitutuma shi na omwenyo sha kwatathana nekota Jesus.

Omusita Ngula okwa dhimbulukitha wo egongalo li ilongekidhile egaluko lyaKristus,



“Nde ku pandula nankelo yoondunge sho wa holola uupenda woye,” osho omusita Salomo Elago, methano ndika a pandula Oshitutuma shoka sha valwa mOshigambo. Okwa kumagidhile meuvitho lye egongalo ndyoka li dhiginine oohapu.

ndyoka a ti pamandhindhiliko giiningwanima yongashingeyi otali ya mbala.

Egongalo Oshitutuma, oli li momukunda omunene gwa simana mOndonga, Oneumba. Omukwaniilwa mwene gwoshilongo omo kwa li a dhike tango uwa we manga ipaa lala oshilongo. “Onda nyanyukwa sho momukunda nguka mwa dhikwa uwa mboka itaau hulu po we,” osho omukwaniilwa mwene gwoshilongo Immanuel Elifas a popitha aakwashituthi.

Okwa holola euvitonayi lye kaakriste yomoshilongo shika mboka a ti Osoondaha oye

Vadinkantu vamwe kuna kumona udigu

Vakwetu, vadinkantu gara vamwe, ndi ni tante asi vagara vamwe kuna kumona udigu ntantani morwa maudigu gouzuni ou wantantani. Tu tareni nye kweni kovakadi ani howe hewa. To likwata kokana sikumwa murungu. Ngurova tupu motundi zauheyali genda tupu momambo o purakene asi yinke yina kara mo ngumweyi 20 muntu tava liyuka nangumweyi zendi.

Asi vamwe mukurukadi ove omurodi. Nyove onokuroga vana vange ndi aye ove ngumweyi zange to mana yimaliva yomumwange. Nyovelike ono ku yi lya ngwendi ngove wa mu vhara. Ta tattere ngumweyi zendi ngesi.

Purakena nye ngumweyi zendi eyi yina kutunda mokana kendi asi: Hi, nane ame kwato mugara mukadoge wowo onyoko ntudi vana kupanga yimaliva yoge. Ndi asi gogo mpanzoge ana ku panga yimaliva yoge. One vadinkantu vakwetu omu natu rugameni ngapi vakwetu? Gwina mpanza muntu nage pena awe kuna ku livavira asi:

Nove kalye yampa nzoge nove novamubya woge ndi nove novakuruwoge wovagara. Purakena odo nonkango odo dokutanta ngoso ntani tani zumbu sanye mukadi nani ka gwana ko hena gomwe asi ga pitakana pena ntantani pamwe vakware kange nare ndi nina hara va kwareke nge kuvhura ni zombe ogo mukadi asi ni papareko gumwe ndi?

Tala kepanja 7

yi ninga esiku lyawo ewanawa okulonga ilonga yawo. “Osoondaha esiku lyokukala pohapu yaKalunga,” osho a tumbula nomuthindo.

Omukwaniilwa okwa holokele moshituthi shoka pamwe nomunyekadhi gwe, amushanga gwoshilongo Johannes Amakali, nomalenga gawo, omukwaniilwa Nekulu lyaKambuta osho wo omusamane omukulupe he yawo Elifas Shindondola ngoka naye a kumagidha aakwashituthi yaa kunyukwe oohapu dhaKalunga.

Sebulon Ekandjo

## EKANDANGA LYESINDANO

1. Esiku'un'eso lya sa,  
Uuna ndo pwa li sha.  
Nela lyompolongela,  
Vulu ka za ndjala.  
Omuwa a gepul'oothipa,  
Dheso e dhi inipa.  
A za mo oshimati,  
A kondj'oshimati.

2. Uuyuni ligoleni,  
Uuyuni mu tangeni.  
Tu hiyathaneni, --  
Omuwa e li mokola.  
E li wagagula,  
E tu ninga aashendo,  
Tu ze momawendo.

3. Nando tu ye mombila,  
Okwe yi yapula.  
Uuna ndoka a lala,  
Ina pugalala.  
Aasi a uvithila,  
Kuty'es'a vekula.  
Mangathith'a dhitula,  
E ga mangelula.


4. Aayapuki yi inyowo,  
Aayuuki ya zi mo.  
Ya kweshuk'uuyelele,  
Ya zal'uuyelele.  
Meemukwetw'aashekesheke,  
Ya yela ngaa sheke.  
Taa tanta, taa nuka,  
No taa kaluluka.

5. Omuwa Tshime, pandulwa,  
Simu, hambelwa.  
Pamba u ligolelwe,  
Mbangu u lukulwe.  
Kalunga Tate, tangwa,  
Nampongo ngoy'pandwa,  
Ongoye omukwaaluhe.

6. Mu omuntu onda thika,  
Ndishi li pondika.  
Omwenyo ngu kololo,  
Sho nda mono ompolo.  
Noondhi ote yolitha,  
Tandi ilagithitha.  
Ondjimbo ya pandeka,  
Kokule yu uvika.

Jason Amakutuwa

## PEKOTA LYOMUSHIGAKANO NDI LI.



Ombinga yimwe yoshituthi yi li miipundi, nokonima methano ndika ongundulwiimbo yegongalo lyaShitutumama. Oongundulwiimbo yaShitayi noyaShigambo nadho odhi ile.

### Dha za kep. 6

*Ndi omu nani rugana ngapi. Vakwetu ame eyi kwa manga Taka Taka. Nomusi ani yi gazarere.*

*Ntantani eyi nani zumba mukadi, ngereka nazo kuna zumbange hena. Ani narwe vakwetu e udigu. Kut'ida nge ngereka ni yuke kupi? Kutanta asi nemeguru ngororo nawa ka tjida nge sanye pamwe ngereka nazo zina yi umono nawa-nawa asi, hawe ogo ga zona va ha mukwareka hena arwo tava yika tupu momugara asi mugara galipuka.*

*Ntantani tatu lizumbilire tupu vaturu gane moomu vana hara vakati. Kutanta asi niudi vakadi uvo nava pangera nani kapisi mugara yige napangera mukadi. Nani mukadi yige goku-pangera mugara. One vakwetu uzuni kuna ku tu hepeka unene sili nye yi kare morwaudigu womazwaha aga gomadona. Karunga a fire nke-nda owo vana kara moudigu owu.*

**Silas Katembo  
Rupara, Mayenzere**

## OMAFIKU 14 OMU- BISHOFI DUMENI MUAMERIKA

Oule konyala woivike ivali omubishofi Kleopas Dumeni a kala muAmerika ohani ya dja ko okwa longifa unene mokufatulula enaipalo longhalo yoshilongo shaye nokwehela yo omakwafo aasho tashi dulu o-  
kweendelelifa ombili yaNamibia.

Moshinima eshi omubishofi okwa pwilikinwa kovaleli voshilongo, kovahongifikola, kovawilikingeleki novatoolinghundana veeradio novoifo, okwa li ku na ovo tava pwilikine nehala lokukwafela sha opo tava dulu naavo tava pwilikine nokulihonga sha shipe navakwao okupwikina ashike fimbo ominute tai pu ko va ka twikile sha shimwe shi lili. Ashike meemhito adishe omubishofi okwa popya osho kwa li a hala okupopya.

**ATLANTA, GEORGIA:** eti 14.3. efiku laye etivali eshi a fika moshilongo shinya, okwa kundafana novawilikingeleki osho yo ovawiliki vupolotika ngaashi omushamane John Lewis wongudu yoRepublican, yomhilameno mepangelo.

Okwa kundafana yo novaprofesoli vofikola youfita yaAtlanta Georgia. Natango efimbo olo okwa popifa eongalo laAmerican Methodist Episcopal Church omo omufita omuwiliki McKiley Young a udaneka okutwikila ko okuyelifa onghalo yaNamibia kovakwaneongalo laye.

**CHICAGO, ILLINOIS:** Eti 17.3 omubishofi okwa kundafana nomufita Wiliam Maloney woshihakulilo shOvakwaluther muChicago osho yo ndohotola omukulunhu Keller, ou a tambula ko nawa eemhumbwe dOvanamibia. Nдохотола Richard Short moshihakulilo eshi naye okwa popiwa naye. Aveshe okwa li va yandja epwikilino li etifa eenghono.

Eti 18.3 okwa shakena nomuwiliki mombeleva yomakwatafano yomuleli woshilongo shaChicago, Prexy Nesbitt osho yo omuleli woshilongo mwene Harold Washington. Ou okwa ti ota ka popya naavo ve li mewiliko opo ku xulifwe po epulo lOvacuba mekwatafano nemanguluko laNamibia osho yo okuxulifapo ekwafo kuUnita.

**MINNEAPOLI, MINNESOTA:** Moshilando eshi omubishofi okwa popifa ovanhu 100 mounivesity yaMinnesota eti 18.3

**WASHINGTON:** Eti 23.3 ta popifa ovakwaluther 120 va dja keembinga neembinga doshilongo. Okwa popifa yo omusenator Lowell Weicker ou kwa li a hokwa eenghundafana. Eti 24.3 okwa kundafana nomunashipundi wongudu yOvalaule moCongress yaAmerika, omusamane Mervyn Dymally. Ou okwa popila omadiladhilo omubishofi neenghundafana davo ode mu pendulila ehala okutalela po Namibia. Ye owongudu yomhilameno mepangelo.

Fiku olo, olo yo a shakena natango nomuwiliki wombelewa yoinima i na sha noumbuwanhu waAfrika, omushamane Gibson Lampher. Ou okwa diinine okupopila omulandu wepangelo laye.

Natango efiku olo po - 12 womutenya Ovakwaluther ova kongoloka keembinga neembinga daWashington va shakene nomubishofi. Mokati kavo omwa li omufita Carl Mau, Jr, ou a li nale hamushangandjai wongongahangano yOvakwaluther.

Komatango efiku natango olo, okwa shakena noshilyo shongudu yomhilameno mepangelo, Republican, omushamane Claude Pepper. Ou nande a popila ekwafo laUnita, ina popila nande emanguluko laNamibia li katekwe kOvacuba nge ve li muAngola.

Okwa shakena yo noilyo yokomitiye yEhangano lovanaveta kombinga youfemba womunhu muWashington D.C., omubishofi nokwe va pandulile eyakulo lavo moilonga yavo.

Eti 25.3 okwa monafana naSteve Gunderson, efolo Hazel Roos na Thomas Petri, aveshe oilyo yoRepublican. Osho ve uya okushakena vali naWilliam Gray III ou ta popile unene etulo moilonga loshitokolifo 435.

Eshakeno lavo nomunashipundi wokomitiye yopedu moinima yaAfrika, Howard Wolpe ola ningwa petata lomulongo naimwe efiku tuu olo. Ou okwa holola nhumbi tashi pula efimbo okufatululila Ovayamerika mepangelo ovo ve he u dite ko, va udeko oshinima shaNamibia.

### Otandi indile opo ndi kwathwe ndi yamukule elombwelo lya zi koshi-lyo shetango mOmukwetu No.3.1987.

1. Omuleshi mukwetu, oto ti metango inamu thiminikilwa mo, owa tseya tuu kutya omutoti gwongundu ndjono olye, nokwa dhiladhila shike?
2. Owa tseya tuu kutya etango oli li edhengi lyAanamibia omitse kumwe?
3. Ngoye ou shi shi tuu kutya ngele ou li oshilyo shetango ngoye omutondi gwoshigwana shaNamibia nou li endangalati enene mondjila yombili nemanguluko lyaNamibia.



Wolpe okwa indila yo ngeno Ovanamibia va talele po luhapu Amerika, opo shi kwafe meudeko.

Omubishofi vo nomusenator Richard Lugar ova shakena pombali ya denga. Ou ota popile SA a ningilwe ondjidikila moipindi, nokudja opo omubishofi okwa twikila olweendo laye kuPhiladelphia.

**PHILADELPHIA** - Moshilando eshi ova shakena novawiliki veengeleki di lili noku lili. Osha li 26.3. Okwa popifa yo ovahongwa novalongi mofikola youteoloxi osho yo novatoolinghundana vomoshilando.

Mwene woshilando eshi, Wilson Goode naye okwa monika, okwa tambula okukufapo eindilo noku li twala moshongalele shovaleli voilando tashi ka kala ko ohani tai uya.

Okwa ulika yo ehala okukundafana oshinima shaNamibia novakwanepangelo vomoshilando shaye.

Eshi osha li imwe yomoiningwanima yefiku nefiku metalelopo lomubishofi ngaashi ya toolwa moididilikwa yefiku. Nelalakano laashishe osha li okumona nhumbi, taku monika ombili muNamibia kekwafo laavo ve na oufemba moinima yedu letu.

**Sebulon Ekanjo**

4. Tse otu shi shi kutya ope na omatompelo gopaali kutya ngele nani metango ino thiminikilwa mo, owa ya mo kohokwe yiimaliwa.

5. Itatu ku yugu ehala, ihe otatu ku indile u tu kandulile mondjila yuukongo wombili nemanguluko lyaNamibia.

6. Kalunga iha longelwa komukolonyeki, komunakatongo, komukengeleli nokomuthipimbi-nzi. Etha mbika e to tameke nee okulongela Kalunga. Oongala ihadhi zalwa mbali.

**Shoopala E.Amunyela  
Walvisbay**

### Uukwashilyo wehangano lyaaidhiliki mOngeleki ya ELCIN

Tango otandi gandja ombili kehangano lyaaidhiliki naapapudhuki sho inaandi yamukula epulo ndyoka lya li li inekelelwa ndje oku shi ninga mOmukwetu omumvo 1985. Epulo olya li:

Ngele nda hala ndi ninge oshilyo shaaidhiliki, otandi ningi ngiini?

**Eyamukulo**

Tango inda u ka pule omusita gwaandjeni ngele megongalo omwa kala tuu ehangano lyaaidhiliki naapapudhuki. Ngele omo li li nena pula omuwiliki gwalyo ompito u ninge oshilyo. Onuwiliki nguka edhina lyoye ote li tumu kombelwa onene yEhangano mOngeleki ayihe.

Oshigongi shaayehe mOngeleki shehangano otashi ka kala ko 14-16.8.1987 mOngwediva, Kalunga ngele e shi hala.

**Namupala Shiimi  
Okahao**

# OVA SHANGELA NGE TAVA TI .....

## Kaagundjuka Aanamibia

Omugundjuka omukwetu muNamibia eho. ilonga, opo wu kwathele mehumitho kom lyoshilongo shetu. Oshilongo shetu osha pumb aagundjuka ya longwa, ngoye ngele owa mw olye we te ke shi pondola?

Tse otu li huka kiilongo yopondje tatu ilon, ndele iilongo yaahuka oya huma komeho. Aano yepipi lyetu (15) ohaa popi owala Oshiingili. Oyendji oye li momimvo dhahugunina dheilon

Ngoye oto ningi shike? Dhiladhila kutya, mokuyalulwa Namibia osho oshilongo shimwe shi na omwaalu gu li pevi natango. Aamwameme oye li miita mboka iaa kondjo omolwoye, omolwa-shike ngoye omugundjuka ito ilongo?

Tse huka otu liko tatu ilongo nuudhiginini nando otu na onduululukwe yokegumbo. Inamu tu dhimbwa momagalikano.

**Lilja Ndapanda Niilo Iitenge**  
Cameroon

*Kwathii ndje mu shangele ndje mo epulo lyandje ndika moshifo shOmukwetu. Lyo lyene otali ti ngeyi:*

*Ompango nenge omukalo gu li mUukwaluudhi opo aanasikola Aakwaluudhi ya kale taa fendele uukalata woshilongo, omanga iilongo iikwarwo kayi shi na, osha zililile peni? Otandi indile nesimaneko enene opo epulo ndyoka li monenwe eyamukulo mbala.*

**Zaskia Zile Swanepoel**  
Ongandjera Sec.School

## Esiku lyaCassinga nali dhanwe

*OmuNamibia omuholike owa dhimbulukwa esiku lyaCassinga moka ootate noomeme naamwameme nookuume ketu ya sila mo? Esiku ndyoka nomumvo nguka natu dhimbulukweni nomokweenda kwetu nomonkalamwenyo yetweni. Ano shino nashi ninge ehstoli kAanamibia ayehe.*

*Esiku ndyoka, olya faalela oomwenyo dhAanamibia oyendji. Natu ye ano moma-*

# FARISANI OTA PANGWA MUAMERIKA

**Omutonatelishitayingeleki Simon Tshenuweni Farisani, ota mono epango ngashingeyi muAmerika konima sho a mangululwa mondholongo konyala yoomwedhi mbali eti 30 lyajauuali 87.**

Omusita Farisani (39) omuwiliki gwoshitayi shOngeleki onkwaevangeli paLuther shomagongalo 100 mevigumbo lyaVenda. muAmerika okwa hala okumona oondohotola dhowina muMinnesota okupanga aantu mboka ya mona omahepeko ngaashi ye.

Nando e li omulumentu a mona iihuna monkalamwenyo ye, onkee e na natango omadhiladhilo omale okutsakaneka iinima mbyoka. Ote shi fatulula ngeyi:

“Meitaalo omuntu ou na omalimbililo nou na wo etegameno. Pethimbo limwe eitaalo otali inyengithwa nopethimbo olo tuu ndyoka etegameno lyoye otali valwa.

“Onkalamwenyo otayi ningi ongodhi tayi tsikile momalimbililo, ngoka taga yiwa pokati komauvaneko gaKalunga notashi ningi ombuto yetegameno epe. Uuna inoo tseya shono tashi ya ongula, inekelela Kalunga eenditho ndyoka.

“Mekanitho lyoye lyomukumo, oto ilongo okutegamena. Osho wo to ilongo okuyola mokulila kwoye. Monkalo yeso oto ilongo okukala nomwenyo, manga pethimbo olo tuu ndyoka to ilongo okutala omwenyo monkalo yaa na we sha shilwe, kakele keso alike.

“Shika osho oshilongwankumwe shonkalamwenyo yomukriste noshilongankumwe sheitaalo. Kape na nando osha shokutegelelwa,



**Omupashukilishitaingeleki Farisani**

nopethimbo tuu ndyoka kape na shoka itaashi vulu okutegelelwa - Shika osho onkalamwenyo tayi ti”.

*galikano gaa na ezimbuko opo tu thikeni mesiku ndyoka opo tu kugeni onkugo ndjoka. Natu dhaneni ano oshituthi shoka nombili nando twa nika uuthigwa ihe tate gwopombanda opo e li te tu kwatha.*

**Abraham Amutenya Nekwaya**  
Waterberg

## Eyeme molwokuza miilonga

*Omukuluntu gwelongo, owa tala tuu omaithano nenge otamu ti owala aakeleli yomahala naa ze mo? Tse otwa tala aanona tac kutha oohe nooyina omitumba, opo na tuu esimaneke mpono to yi pomutumba gwomuntu e na omwenyo?*

*Nande omukuluwgonale ota ti lya siwa olyo hali lalwa. Aases oya si taa ende? Inda mo ishewe momutumba gwoye e to ipula etokolo lyoye lyaantu taa tidhwa miilonga ontaku. Aanona mbono oya pewa ndishi elongo lya puka kaases? Yo ya piti ko kosikola. Tala nawa ethaneko lyoye.*

*Oshikondo shElongo osha ekelehi aantu yasho ngaa? Tse yamwe aaselekadhi, yamwe oothigwa ne mwa hala oku tu hepeka. Oohapu dhaKalunga odha ti ngiini ano kombinga yaantu mbono yaali?*

*Okersesa nayi tamekwe 1988, otwe yi ilongekidhila oku yi hita unene tuu mOshitambi shetu. Ngiika Aanamayongo omwe ya totha mo nuumvo. Tse aambuga otwa tegelela ehiyo li tu zile kOombelewa dheni tu ka opaleke elongo tu wape oku ka gandja iyimati niyimati yekalelelo.*

**Nkugoyepongo**  
Ondangwa  
9000

\*\*\*\*\*

**Ndhindhilika:** Ombilive ndjika oya li onde lela, oya fupipikwa owala.

**Amushanga gwOmukwetu**

## Epandulo molwokuza miilonga

*Ngame otandi shi koleke lela nawa kutya onawa ngele aalongi mbono taa yapukile aanona mbo yostanda 8 nostanda 10 ye li momagumbo yo manga taa longo yo yaa na oonzapo. Ishewe ope na aalongi yamwe ye na onzapo yoStd 6 ihe oto kumwa ko owala komuntu ta kuthwa mo miilonga ye gumwe ta thigala mo, ye naye gumwe awike naangoka a zi mo.*

*Ngoka ta thigala mo oye ngo a tya ngiini, yo ayehe oye na ngaa onzapo yongundu yimwe? Oshinima shono nashi talike ko nawa alikana.*

*Aantu ngele okwa ti naa pe yakwawo omahala, ayehe naa ze mo owala, inamu thigala we yamwe. Oto dhiladhila kutya mukweni oye ke hole omboloto nenge ongiini?*

**Selma Wilhelm**  
Ombalantu Secondary

## Ompango nomauvaneko ya ponya

*Onkalamwenyo yomuntu kehe oyo ngaa ndishi onkwatwaketi, nuuna omayambidhidho kage li*  
**Kepandja tali landula**

po, nena omuntu a tya ngawo oti ilongele ashike mwene, nokwa tala yalwe ya fa owala.

Tatekulu Moses naye wo okwa pelwe omupeha nenge omukwathi gwe Aron, ngoka a li wo ta vulu okuhumbata iimpwiyu ninakugwanithwa yilwe peha lye. Shika osha hala okutya aantu otwa pumbwathana shili mokukala akuhe.

Ihe ongiini ano mokati kaakwashigwana Aanamibia mu na oyendji kaa uvite ko shika. Oompango ndishi oyi lile po ngaa oshilongo, nompango oya thikama po omolwaantu. Onda hala unene okupandula aapangeli naakomeho yetu mboka ya nika onyati mokuulikila mboka ye tu luku ookafala okwaaneziminino kwomuthika gwawo moshilongo shetu.

Onda koneka nawa kutya Owambo sho yc thikama po miilongo iheyali, nekondjo lyayo olyo paengundu heyali. Shaa oshilongo osha fa ashike tashi lalakanene uuthemba nomauwanawa gasho shene nando ayehe Aawambo, ye li wo moNamibia limwe. Inandi tseya naanaa ngele oku na ompango yaAawambo, nenge ohaku tumbulwa owala yaAngandjera, yaAakwambi nosho tuu.

Israel osho oshilongo oshinene, ashike osha li owala sha thikama koho yompango yimwe ayike, ompango yaMoses, nongaashi wo hatu lesa ompango yaAjuda mOmbimbeli.

Omuwa okwi ihogololela Israel ongoshilando she mwene, omolwokweenda kwasho koho yompango. Ompango ya Israel oya li tayi dhengele noya li tayi gandja egeelo nedhipago kwaangoka te yi taaguluka, oshoka a talika ino opala nokwa nyata.

Aawambo kaana ompango yokugeela mboka taa yi muukakunya ya lwithe oohe nooyina, nenge ndi tye oshigwana shawo. Kaku na ompango tayi geele ombotsotso, aahondeli, aafuthi, aadhipagi, oonkolwi, oopapeta nosho tuu?

Aawiliki oyendji natango kaa uvite ko uwanawa, ondilo neliko lyoshilongo. Aakuluntu otaa longo owala nethimbo lyawo. Ngele otamu nyengwa gandjeni ano ompito komitandona mu tale omadhiladhilo gawo, kutya nduno omomitumba dhoshilongo nenge omiiigongi ya nuninwa aagundjuka. "Shetu shovanyasha", pamwe tashi eta po edhilaadhilolongo lya sha.

Eliko olye tu etela uupyakadhi shili, epipi ndika ewinayi sho tali pumbwa ofuto mwaayihe. Onda limbililwa unene komapipi agehe.

**F.K. Shingenge**

## Eithano yandje ota ndi li tseya ngiini?

Shika osho shi li naana oshiponga pethimbo lyongashingeyi, sho aanasikola kaaye shi naana kutya otaa landula omaithano geni.

Oyendji otaa landula owala eithano lyuulongi oshoka aniwa olyo owala omukalo gwokumona iimaliwa meendelelo, sho isheve aniwa aalongi ohaa longo owala ootundi ntano nenge oonshona mesiku. Aalongi ohaa vulu isheve aniwa okukala kaaye mo mootundi oowili dhimwe. Shika otashi ulike lela kutya omuntu ita yi shili nenge ita kutha eithano lyuulongi e wete sho ta ningi.

Oshinima isheve shimwe sho tashi imbi

aanasikola ya kuthe omaithano gi ili nogi ili osho ngaa uufupi woondunge mboka tau etwa kelongo nokokwaalesha. Ando okwa li aantu taa longwa lela, yo taa fatululilwa nawa kombinga yomaithano ga yooloka, kaage shi owala uulongi nuupangi, ando otashi ende nawa.

Otashi vulika ngaa okanona okakadhona ka mone eithano lyako momukalo nguka kutya taka fuuka owala kaapangi mboka ka monene moshipangelo ya zala oonguwo oontokele dho ombwaanawa dhi na iihako. "Ihe tu kotokeni twaa haluke."

Ngele aagundjuka aanasikola taa kambadhala okulesha omambo gi ili nogi ili, nosho wo iinyolwa yi ili noyi ili, ondi inekela otatu mono mo ngaa uuyelee.

Unamambo ondi wete kutya owo oshinima shimwe shomwaambyono ya simana, unene tuu shono tu na moshilongo shetu, ompumbwe

## OKAMBWA KE MU KUTHA ONIME KOMBANDA YE

**Omukulupe Johannes Nangolo (67) okwa li ta dhunga iikaha mombepo yomalapi omatokele ga siikila omayego gonime, sho ta hokolola olugodhi lwe nonime eti 10.3.1987 muuzilo wOndonga.**

Ehokololo lye olya li tali hili oyendji okupulakena manga ta mono epango moshipangelo shaNandjokwe. "Ngaye onda li ashike nda hala oku ku mona moshipala, nando kandi ku shi shito, osho gumwe gwomongundu yaapulakeni a yi ehokololo lye pokati.

"Oshinamwenyo oshiwinyi momeho noshi na ezimba lya nika nayi momayulu." osho omukulupe Nangolo (Mwandingi) ngaashi hi ithanwa a hokolola.

Olugodhi lwe nonime olwa zile mokasino ke hoka ka lika po koshilikama shoka esiku lya tetekele. Oongombe heyali nadho odha dhimbululwa dha lika po muule womasiku gatatu ga piti. Omusamane Mwandingi omunahambo gwomusamane Nangolo dhaJacob.

Pamwe nooyakwawo yane sho ya landula oshinkoti, omusamane gwomunahambo okwa ti onime oye ke yi adha mehwa ya holama. Gumwe okwe yi umbu ooholo 20 ndhoka inaadhi kwata nando sha.

"Hapo otse twe yi dhanene, oshoka otwa umbu twa fa tatu umbu okalimba," osho omukulupe kwa li ta dhimbulukwa natango omausama gomolugodhi.

Manga tayi ponoka ko yu uka kuyo ye omusamane Mwandingi ta kutha ko shimwe kondjembo, e te yi teya oshooko. Sho a ka lengalenga, oye awike a thigala po, yakwawo oya tilahi iitetene.

Mwandingi ota ti mokukalamwenyo kwe ina pilamena shito olugodhi lu li metifa. Sho a ka kutha ko natango oshitiyali, yo onime otayi pulwa kombanda ye.

Pahokololo lye oye mu kuutumba mela manga tayi kambadhala okutaasina iikaha mbyoka ya li tayi thindile omulungu gwondjembo mokana kayo nokudhiginina wo ekaha lyayo ndyoka lya li inaa li ehama.

"Oshinamwenyo osha nika nayi," osho kwa li ta popi mOnandjekwe a fa ezimba e li uvite

yiinyolwa. Kakele kwaambyoka otu na woo ngaashi: uundohotola, uuhongi wiipilangi, uumakeninga, uundohotola womayego, aawiliki yoondhila, aanongononi yotelephona, elongo, aathaneki yoondoolopa nosho tuu.

Aagundjuka yongashingeyi otatu tala owala omaithano ngoka omapu noge na iimaliwa. Ano otwi ininga aaholi yiimaliwa. Shika otashi holoka sho aantu unene taa fadhuka po omaithano gawo, aniwa otaga mana po owala omathimbo gawo.

Yagundjuka, tu leseni omambo. Natu kutheni nenge tu hogololelne omaithano ngoka ge li ompumwe onene koshigwana.

"Epya olya tiligana, ihe aalongi oyo aashona."

**Sakaria Haufiku Nghikembwa naMahevo-Junno Nashandi Oshigambo High School**



**Tatekulu Johannes Nangolo (Mwandingi) pethimbo lyepango lye mOnandjokwe.**

natango momayulu ge.

Manga onime ye ku umpila okambwa, Mwandingi inayi mu mona we mpoka u uka. Nani gumwe gwoonakufadhuka po, ina ya unene kokule, oye a sisidha omukulupe sigo opohambo.

Esiku lya landula okwa falwa kOshivelo hoka a pewa epango lyotango a thike nawa kOnandjekwe. Koshilongo elaka olya adhi kwa lya thiki nale kutya Mwandingi a lika po koshilikama. Onime nayo inayi ka lya we oshimuna shomuntu.

**Sebulon Ekandjo**

**Okakadhona Ruusa Aron (13)** megongalo Onjaanja mOndonga, 30.1.1987 muwehame wethimbo ele. Ps. 127, Eimbilo 190

*Uulumbu Elise Magano  
Omandongo  
Onayena*

XXXXXXXXXXXXXXXXXXXXXXXXXXXX

*Tate Gabriel Iita Shilunga, (54), Oshitundungu, egongalo Olupumbu 6.12.1986. Okwa thigi ko omuselekadhi noothigwa 9 Eimbilo 500, Rom.3:19-31*

*Josephina Mpingana Shilunga  
Olupumbu Comb. School*

XXXXXXXXXXXXXXXXXXXXXXXXXXXX

**Kuku Fransina Tshikongo (115)** 7.1.1987 megongalo Othika, mUukwambi. Okwa thigi ko oyana naatekulu 21, aatekululwa 12.

*Kaundo Tshikongo  
Othika*

XXXXXXXXXXXXXXXXXXXXXXXXXXXX

**Meme Karolina Israel (41)** Omukandu, megongalo Uukwiyu 12.2.1987 Okwa thigi ko he nayina naamwayina 7. Eps:23.

*Johanna Israel Akwaake  
Omukandu Uukwiyu-Uushona*

XXXXXXXXXXXXXXXXXXXXXXXXXXXX

**Meme Frida Namutenya Gwamponyo 7.2.1987** momukunda Eengwena, Endola, muwehame wethimbo efupi moshipangelo shaShakati. Okwa li e na oomvula 76, okwa thigi ko oyana 7 naatekulu 35.

**Eimbilo 335**

*Onkelo Monika Nambahu  
Onankali*

XXXXXXXXXXXXXXXXXXXXXXXXXXXX

**Meme Jacobina Mweshininga Negonya (65)** eti 18.7.86 muwehame wethimbo ele megumbo lye. Okwa li momukunda lipanda, megongalo lipandayaamiti mUukwambi. Okwa thigi ko oyana 3.

*Vickria Nd.Hango*

XXXXXXXXXXXXXXXXXXXXXXXXXXXX

**Omukulukadhi Mirjam Nenkama** gwomomukunda Omakuku, Ombalantu okwa hulitha oondjenda dhe 13.12.1986, muukokele womimvo 76. Okwa thigi ko oyana yahetatu naatekulu 28.

**Aanelago aanambili otaa ki ithanwa aana yaKalunga.**

*P.Sakeus  
Nakayale*

XXXXXXXXXXXXXXXXXXXXXXXXXXXX

**Meekulu Naukalemo Haitengela (80)** momukunda Oukango wakakonya mOndonga 12.2.1987, okwa fiya ko omona umwe outekulu vane, outekulululwa vaheyali.

*I. Nghipangelwa*

XXXXXXXXXXXXXXXXXXXXXXXXXXXX

**Kuku Maria Mushimba mOkaku mOndonga, 24.12.86** muukulupe womutoko, okwa thigi ko aatekulu 27.

*Magano H.Johannes  
Okaku*

**Kuku Aina Kristian megongalo Okaku mOndonga, okwa hulitha oondjenda dhe 27.12.86.** Eimbilo 630

*Maria S.Taapopi  
Okaku*

**Kuku Rauha Nemushi Shapaka (109)** megongalo Onaanda mUukwambi 30.1.37 okwa thigi ko aanona yatatu aatekulu 18 aatekulululwa oyendji.

*N.Nakuumba  
Swakopmund*

XXXXXXXXXXXXXXXXXXXXXXXXXXXX

**Aakalimo ya tseyika nawa** momukunda Ondjondjo megongalo Onguta, omukulukadhi Justina Abed na-Matrida Nkanga, ya mana oondjenda dhawo muwehame wethimbo moshipangelo Onandjokwe mu-Febuluali noomvvo. Eimbilo 40

*Selma Ndatila Gustaf  
Oniipa*

**Tatekulu Tobias Uugwanga Salomo (46)** megongalo Eheke 9.2.1987, okwa thigi ko omuselekadhi gwe, noyana 8 aatekulu 2.

*Salmi A.M.Maandaha Lumbala  
Uuthilindindi-Uukwambi*

XXXXXXXXXXXXXXXXXXXXXXXXXXXX

**Kuku Hilma Noa Kandjimi (122)** Onayena mOndonga, 29.12.1986. Eimbilo 547.

*Taimi K.Namutenya*

XXXXXXXXXXXXXXXXXXXXXXXXXXXX

**Omusamane Ismael Sh.Nghitewa (77)** 11.1.1987 moshipangelo Onandjokwe mouyehame wethimbo lile. Okwa fiya ko ovana 6 novatekulu 54 novatekulululwa 7. Eimbilo 543.

*Susana Iyaloo Nghitewa  
Onanduli - Kongo*

XXXXXXXXXXXXXXXXXXXXXXXXXXXX

**Eduward N. Johannes (35)** megongalo Elombe 24.3.1987 moshipangelo shekandomo lyoshihauto. Okwa thigi ko omuselekadhi gwe noyana 6. Eimbilo 316

*Nepolo Hekeleka Selma*

XXXXXXXXXXXXXXXXXXXXXXXXXXXX

**Tate Paulus Haihambo 70** meongalo Endola 31.1.1987 moshipangelo Oshakati, okwa fiya ko omufiyekadi waye oonona 8, ovatekulu 26. (Dan.12:13). Eimbilo 500

*Eliesser P.Haihambo*

## Oonkundana pafupi

### Iita ya SA okugamenena po uuhona wAatiligane

Okukutula aakwiita metanga lya SA, kashi shi oshinima shokupopiliwa, manga iita mbyoka yi na ashike elalakano lyokugamena uuhona wAatiligane waa yonuke, osho sha tiwa komusamane Wynand Malan gwaRandburg, mu SA.

Okwa ti omukundu gwaNamibia ogwa pumbwa okumanwa po mbala, opo SA kaa tsikile okukondja nokusila mevi ndyoka lya shi lye. Omusamane Malan okwi itula mehogololo ndyoka tali ningwa mu SA omwedhi tagu ya.

XXXXXXXXXXXXXXXXXXXXXXXXXXXX

### Etokolo lyaxuuninwa mohofa eti 21.5

Epangulo leenghwatwa 8 hadi pangulilwa oveta youkulo mOvenduka, okwa ningwa eudafano li ka yandjelwe etokolo laxuuninwa eti 21.5.1987. Ve li mepangulo eli ovamati vomomufitu Andreas Gideon Tangeni; Gabriel Mateus naPetrus Nangombe.

Okvawashiwana ovo Salomo Paulus, Johannes Nangolo, Martin Akweenda, Petrus Kakede Nangombe naSakaria Barkias Namwandi (18). Ekwato lavo ola ningilwe muAuguste 1985.

XXXXXXXXXXXXXXXXXXXXXXXXXXXX

### Vahapu va fila meedolongo da SA

Ovanhu 83 otaku tiwa ova fila meedolongo da SA omudo 1986, osha hololwa koministeli yeeveta nelandulafano Andriaan Vlok momutumba wepangelo. Okwa tiwa yo ovanhu ovo kakwa li ve li eenghwatwa dopapolotika, ndele ovanyoni momanyono e lili noku lili.

XXXXXXXXXXXXXXXXXXXXXXXXXXXX

### Afrika na efe okushunifa oimaliwa yongunga - Kinka

Oministeli yoipindi muEtiopia, Tesfay Kinka okwa ninga cindilo koilongo yaAfrika i shikule oshihopaenwa shaBrazaville ou a anya okushunifa ongunga oyo a lile kobanga younyuni.

Omusamane Kink okwa ti, manga oilongo inene inai lungulula po sha mepindiko layo. momulandu wekonomi, onawa Afrika naye a xulife po okushunifa ongunga younyuni ngaashi Brazaville a ningi.

XXXXXXXXXXXXXXXXXXXXXXXXXXXX

### Epulo lexulifepo loveta yokangedjo mOwambo vati nali twikile komesho

Oshipundi shovapangeli vatano mohofa yopombada moVenduka, osha yandja omafiku aa oufemba kovawilikingeleki muNamibia opo va ye komesho neindilo lavo kobbinga yepulo okuxulifa po oveta yokangedjo.

Oshibofa shovawilikingeleki okumweneka oveta youfiku i ha longe vali, osha li sha kana mohofa yeti 29.10. mOvenduka. Okudja opo onghendabala oya kala tai ningwa natango ngeenge pe na omhito okutwala cindilo olo natango komhangu yokombada kuBloemfontein, nomhito oyo oya yeuluka.

"Onawa ohofa i kwao i ka ye mo moshinima pamwe tai mono etokolo limwe li lili pamukalo wonhumba ile wongadi," osho omupanguli omukulunhu Frans Berker, a tumbula. Oveta yokangedjo oya kanififa eemwenyo dihapu dovakwashiwana nokai na epopilo mekwatafano noufemba womunhu wefiku kesho.

### Outeku wounona

Oomeme itatu tungu nande oshiwana shi ye komesho, ohatu ambe ootate nounona momaumbo unene tuu ovo ve he fi ofamili yetu, inatu va tala ko nande ngaashi ava twa dala. Ounona nava tekulilwe puKalunga nopovanhu. Okaana nge oka nyona, naka velwe ombedi kwaaveshe, tate nameme.

**Ndinela Kamati  
Opuwo-Kaokoland**



### Namibia eholike

Olye kee shi ndje ngame Namibia  
Namibia nda kala muAfrika  
Nde li gama kuumbugantuninginino  
Ngame namibia nda pe wa omagano

Ngame Namibia esimano lyandje;  
Otandi li gandja kuKalunga  
Ngoka a tumu aatumwa yevaangeli  
Opo li taande mungame Namibia

Namibia nda vulwa uupika taa!  
Namibia inaa ndi hala uukoloni  
Moku tala iilonga mbyoka te longelwa  
Omuwa u va onkugo yandje

*M. Taati K. Shuuvevi*

## INVITATION TO THE PASTORAL TRAINING

*Next year, 1988, the United Lutheran Theological Seminary-Paulinum will be taking up new students for pastoral training. Our pastoral training course contains three possibilities.*

- 1. A general pastoral certificate is awarded to those who satisfactorily complete the four-year curriculum. This certificate course is required for ordination in the church.*
- 2. We offer a course in cooperation with the Joint Board for Diploma in Theology in Southern Africa for a diploma in theology. For both these programs a senior certificate is a prerequisite.*
- 3. We offer a course leading to a Bachelor of Theology degree. This course is opened to students with a matriculation exemption, and is offered in conjunction with the University of South Africa (Unisa).*

*Finally, I wish to mention that those who wish to enroll for theological education should approach their nearest congregation. The study of theology is stimulating and indispensable for the expansion of christianity, the meaning of Jesus Christ for our times and the edification of God's Kingdom in the midst of our lives. So there is an opportunity to serve the Lord, why don't you join us now!*

*Greetings, and a welcome in advance.*

*Yours in the service of Jesus Christ*

**Rev. Z. Kapi Mujoro**



**Yatatu ya sile moshiponga shoshihato shika moongamba dhegongalo lyashitayi eti 2.4.1987 nayatano ye ehamekwa. Gumwe goonakusa omulongi kuku Rakkell Iitope, omuselekadhi gwanakusa Johannes Iitope, Kuku Rakkell okwa adhikwa ta li oshikwiila shevululuko.**

## Ya mangululwa

Isak Shoome, Tshandi  
Eva Shaningi, Tshandi  
Absalomo D.Nuugulu, Tshandi  
Abner Lukas, Elondo  
Taimi Endjala, Etilyasa

Abraham D. Shivute

## Ya dhigininwa

Titus Shalimba  
Wilika Ainima pamwe nokanona ke koomwedhi mbali  
Mirjam Filippus, Nakayale  
Elizabeth Amukwaya, Nakayale  
Ruben Edmund, Anamulenge  
Konis Shoombe  
Nestor Tobias  
Lamek Kadhila  
Josef Katofa  
Omukulupe Katofa 'hilongo,  
Eengolo  
Samuel Andreas  
Okamati Oskar J. (Kashima) Joel (28)  
Onangalo oka kwatwa 22.3.1987

## Okutwa eengolo medu mongeleka

Komunyanyagidi woshifo shOmukwetu, omolwashike ovanhu ngeenge ve li mongeleka ndele omufita a tya tu tweni eengolo tu ilikaneni, ovanhu ohava yala pedu oulapi nounashituke, osha yela ngo mbela?

Josef S. Andreas  
Tsumeb

## Eyamukulo

*Koshipala shaKalunga ngeenge otwa mana mo ihatu yavala kutya otu li omutumba koshipundi ile omomute, ndele ohatu lipula ashike nefilonghenda eli hatu ehela koshipala shOmwene.*

*Ashike okuyala oulapi pedu, otashi ulike yo kutya efimbo ola pya eengeleka detu tu di tunge diwa shili nolukolongo li kale yo la filwa shili oshisho, opo pa ha kale vali omaliudo inaa yela koonakulongifa ongeleka oyo.*

Hamushanga wOmukwetu

\*\*\*\*\*

## OMUKWETU

Oye oshifo shOngeleki Onkwaevangeli paLuther yomuSWA/NAMIBIA.

Ohashi nyanyangidhwa mOshinyanyangidho shOngeleki mOniipa.

Omukuluntu gwoshifo omumbisofi Kleopas Dumeni.

Amushanga gwoshifo omusita Sebulon Ekandjo.

Ondando yOmukwetu muNamibia naSouth Africa R6,00 komumvo.

Palwe muAfrica R10,00 nokombanda yomafuta R14,00 komumvo. Mondhila R17,00.

Ondando nomambesitelo agehe naga tumwe kOmukwetu, Oniipa, P/Bag 2013, Ondangwa, 9000.

ELOC PRINTING PRESS  
PRIVATE BAG 2013, TEL. 11, ONDANGWA 9000  
SWA/NAMIBIA